

ხელშეკრულება №1/72
სამუშაოს სახელმწიფო შესყიდვების შესახებ

ქ.თბილისი

13 ივნისი 2017წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ.თბილისი, ვაჟა ფშაველას გამზ.№33 (შემდგომში, „შემსყიდველი“), თსსუ-ს კანცლერის, ზურაბ ორჯონიკიძის სახით და მეორეს მხრივ შპს „მშვილდოსანი“, მის: ქ.თბილისი, შვეჩენკოს ქ.№5 (შემდგომში, „მიმწოდებელი“), წარმოდგენილი დირექტორის, პაატა გაფრინდაშვილის სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული გამარტივებული ელექტრონული ტენდერის (SPA 170006199) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: თბილისის სახელმწიფო სამედიცინო უნივერსიტეტის მე-3 სასწავლო კორპუსის მე-3 სართულზე მდებარე სააქტო დარბაზის რეკონსტრუქციის სამუშაოები (CPV 45400000) დანართი №1-ის (დანართი №1 წარმოადგენს წინამდებარე ხელშეკრულების განუყოფელ ნაწილს) შესაბამისად.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 14736,92 (თოთხმეტი ათას შვიდასოცდათექვსმეტი ლარი და 92 თეთრი) ლარს.
2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 სამუშაოები უნდა დასრულდეს ხელშეკრულების გაფორმებიდან 15 სამუშაო დღის ვადაში.
3.2 სამუშაოები უნდა განხორციელდეს თბილისის სახელმწიფო სამედიცინო უნივერსიტეტში, მის: ქ.თბილისი, ვაჟა ფშაველას გამზ.№33.
3.3 მიმწოდებელმა უნდა შეათანხმოს შემსყიდველთან, სამშენებლო სამუშაოების დროს გამოსაყენებელი მასალის ფაქტურა, ხარისხი და ფერი.
3.4 მიმწოდებელმა სამშენებლო მასალების და რეკონსტრუქციისთვის საჭირო სხვადასხვა მოწყობილობები და მასალები უნდა აიტონოს სპეციალური ამწე მოწყობილობით (პიონერკით).
3.5 მიმწოდებელი ვალდებულია სამუშაოს დასრულებისთანავე გაანთავისუფლოს სამუშაო ადგილი სამშენებლო მოწყობილობა-დანადგარებისგან და სხვა ნარჩენებისგან.
3.6 მიმწოდებელი ვალდებულია სამუშაოების წარმოებისას დაიცვას კანონით გათვალისწინებული უსაფრთხოების ნორმები.
3.7 მიმწოდებელი ვალდებულია სამუშაოები აწარმოოს „ელექტრონული საკომუნიკაციო ქსელების სახაზო ნაგებობების დაცვის წესისა და მათი დაცვის ზონების დადგენის შესახებ“ საქართველოს მთავრობის 2007 წლის 4 ივლისის N134 დადგენილების შესაბამისად.
3.8 ობიექტის მიმდებარედ, 2017 წლის 10 თებერვლის №1/25 ხელშეკრულების (SPA 17000477) საფუძველზე, შპს „ვერნიკი და კომპანია“ ატარებს სარეკონსტრუქციო სამუშაოებს. მიმწოდებელი ვალდებულია ყველა შესასრულებელი სამუშაო, რომელიც დაკავშირებული იქნება მიმდებარე ობიექტთან, შეათანხმოს მოცემულ კომპანიასთან - შემსყიდველის შუამდგომლობით.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 31 დეკემბრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2 შესყიდვის ობიექტის ხარისხი უნდა შეესაბამებოდეს შემსყიდველის მიერ განსაზღვრულ მოთხოვნებს.

6.3 შესყიდვის ობიექტის (საერთო სარეკონსტრუქციო სამუშაოების) საგარანტიო ვადა - 5 წელი.

6.4 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ.

6.5 შეტყობინების მიღების შემდეგ, „მიმწოდებელი“ ვალდებულია შემსყიდველის მიერ მითითებულ ვადაში აღმოფხვრას არსებული ხარვეზები საკუთარი ხარჯით ან ჩაანაცვლოს ახლით. მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება.

6.6 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

7. ანგარიშსწორების ფორმა, გრაფიკი (ვადები)

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორება გათვალისწინებული არ არის.

7.4 ანგარიშსწორება განხორციელდება სამუშაოს შესრულების თაობაზე წარმოდგენილი ანგარიშ-ფაქტურის, ფორმა №2-ის, კონტროლის განმახორციელებელი ჯგუფის საბოლოო დასკვნის, მიღება-ჩაბარების საბოლოო აქტის საფუძველზე, 15 (თხუთმეტი) სამუშაო დღის ვადაში.

7.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.

- უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.

- მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;

- დაიცვას ხელშეკრულებით გათვალისწინებული ყველა პირობა.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

- 9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.
- 9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისთვის მის მიერ დამატებითი განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 9.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 9.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.
- 9.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 10%-ის ოდენობით.
- 9.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეათედი) პროცენტის ოდენობით, მაგრამ არანაკლებ 10 (ათი) ლარისა.
- 9.7 შემსყიდველი იტოვებს უფლებას ხელშეკრულების 5.1. მუხლის დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება შესაბამის ეტაპზე გადასახდელი თანხიდან.
- 9.8 9.7 მუხლის გამოყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

10. ხელშეკრულების პირობების გადასინჯვის შესაძლებლობა

- 10.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით.
- 10.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.
- 10.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.
- 10.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 10.6 ხელშეკრულებაში პირობების ცვლილება ფორმდება შეთანხმების სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

- 11.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა

გაუგზავნოს მეორე მხარეს წერილობითი შეტყობინება ხელშეშლელ გარემოებებზე, მისი გამომწვევი მიზეზების და შესაძლო ხანგრძლივობის შესახებ. შეტყობინების მიმღებმა მხარემ ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

11.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 10.6 პუნქტის შესაბამისად.

11.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

11.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

11.6 11.3 ქვეპუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიღებული შესყიდვის ობიექტის ღირებულება.

12. დავები და მათი გადაწყვეტის წესი

12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების კონტროლის პირობები

13.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

13.2 ხელშეკრულების კონტროლს შემსყიდველის მხრიდან განახორციელებს შესაბამისი სტრუქტურული ერთეული.

13.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“. შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან არაუმეტეს 3 (სამი) დღის ვადისა, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

13.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

14. ფორს-მაჟორი

14.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

14.2 თუ სახელმწიფო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები


„შემსყიდველი“

თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა GE24 NB03 3010 0200 165 022

„მიმწოდებელი“

შპს „მშვილდოსანი“
ქ.თბილისი, შვეჩენკოს ქ. №5
საიდენტიფიკაციო ნომერი 404385401
სს „საქართველოს ბანკი“, კოდი BAGAGE22
ა/ა GE82 BG00 0000 0405 884 000

თსსუ-ს კანცლერი
ზურაბ ორჯონიკიძე



შპს „მშვილდოსანი“-ს დირექტორი
პაატა გაფრინდაშვილი



საფუძველ 0	სამუშაოების დასახელება	განზ.	ნორმატიული რეკურსი		ხელფასი		მასალა		სამშენებლო მექანიზმები		ჯამი
			ერთეუ ლზე	სულ	ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	3	4	5	6	7	8	9	10	11	12	13
CHM IV- 2-82 46-17- 2	კედლებზე ღიბების მოწყობა (კონდიციონერების გადართვის მიღებისთვის)	მ2		5,00		0,00		0,00		0,00	0,00
	შრომის ხარჯი	კაც/სთ	4,84	24,20		0,00	0,85	20,57		0,00	20,57
	სხვა მანქანები	ლარი	1,67	8,35		0,00		0,00		0,00	0,00
CHM IV- 2-82 46-30- 2	იატაკიდან ფანერის ფილების დემონტაჟი	მ2		250,00							
	შრომის ხარჯი	კაც/სთ	0,289	72,25		0,00	0,50	36,13		0,00	36,13
	სხვა მანქანები	ლარი	0,078	19,50		0,00		0,00		0,00	0,00
CHM IV- 2-82 46-32- 2	ფანჯრების დემონტაჟი (ვალი-4)	მ2		26,00							
	შრომის ხარჯი	კაც/სთ	0,289	7,51		0,00	4,00	30,06		0,00	30,06
	სხვა მანქანები	ლარი	0,078	2,03		0,00		0,00		0,00	0,00
CHM IV- 2-82 11-27- 3	იატაკზე 18 მმ-იანი ფანერის ფილების დაგება	მ2		250,00		0,00		0,00		0,00	0,00
	შრომის ხარჯი	კაც/სთ	0,431	107,75		0,00	2,00	215,50		0,00	215,50
	სხვა მანქანები	ლარი	0,0224	5,60		0,00		0,00		0,00	0,00
	ფანერა 18 მმ სისქის	მ2	1,027	256,75	21,67	5 562,92		0,00		0,00	5 562,92
	ლურსმანი	კმ	0,0533	13,33	2,50	33,31		0,00		0,00	33,31
	სხვა მასალები	ლარი	0,107	26,75	3,20	85,60		0,00		0,00	85,60

5	CHHP IV- 2-82 8-15-1	ფანჯრების დემონტაჟის შემდგომ დარჩენილი, ღიობების ამოშენება სამშენებლო ბლოკით(40*20*20)	მ3	3,36	20,80			0,00		0,00		0,00	0,00
		შრომის ხარჯი	კაც/სთ		69,89			0,00	2,00	139,78		0,00	139,78
		სხვა მანქანები	ლარი	0,92	19,14			0,00		0,00		0,00	0,00
		ქვიშა-ცემენტის ხსნარი	მ³	0,11	2,29		68,00	155,58		0,00		0,00	155,58
		ბლოკი სამშენებლო	ც	63	1310,40		0,90	1 179,36		0,00		0,00	1 179,36
		სხვა მასალები	ლარი	0,16	3,33		3,20	10,65		0,00		0,00	10,65
6	CHHP IV- 2-82 15-22- 1	კედლების შეღებვა ქვემოთის ხსნარით შენობის გარედან (სპეცტექნიკის გამოყენებით)	მ²		26,00			0,00		0,00		0,00	0,00
		შრომის ხარჯი	კაც/სთ	0,93	24,18			0,00	12,50	302,25		0,00	302,25
		სხვა მანქანები	ლარი	0,026	0,68			0,00		0,00		0,00	0,00
		ქვიშა-ცემენტის ხსნარი	მ³	0,0255	0,66		92,75	61,50		0,00		0,00	61,50
7	საბაზო	შენობის კედლების შესვით დამუშავება გარედან (სპეცტექნიკის გამოყენებით)	მ²		26,00		1	26,00	6	156,00		0,00	182,00
8	CHHP IV- 2-82 15-168- 7	შენობის კედლების შეღებვა ფასადის საღებავით (სპეცტექნიკის გამოყენებით)	მ²		26,00			0,00		0,00		0,00	0,00
		შრომის ხარჯი	კაც/სთ	0,658	17,11			0,00	6,00	102,65		0,00	102,65
		სხვა მანქანები	ლარი	0,01	0,26			0,00		0,00		0,00	0,00
		საღებავი საფასადე	კგ	0,63	16,38		4,00	65,52		0,00		0,00	65,52
		ბლოკი სამშენებლო	კგ	0,79	20,54		0,47	9,75		0,00		0,00	9,75
		სხვა მასალები	ლარი	0,016	0,42		3,20	1,33		0,00		0,00	1,33
9	CHHP IV- 2-82 10-7-4	კედლების შეფუთვა თაბაშირ-მუყაოს ფილებით (ხარაშოს მოწყობით)	მ²		50,00								
		შრომის ხარჯი	კაც/სთ	1,25	62,50			0,00	4,34	271,25		0,00	271,25
		მანქანები	ლარი	0,117	5,85			0,00		0,00		0,00	0,00
		თაბაშირ-მუყაოს კონსტრუქციის სამაგრი დებელებით	მ2	1,03	51,500		10,50	540,75		0,00		0,00	540,75

	სხვა მასალა	ლარი	0,097	4,85	3,20	15,52		0,00	0,00	15,52
10	საბაზრო	ყოფილი ფანჯარების ნიშებში დგომარული პლასტიკის კანტის მოწყობა, გიზუალურად აღვიწყე არსებული იდეტური. (ხარჯის მოწყობით)	გ/მ	40,00	4,00	160,00	1,25	50,00	0,00	210,00
11	14-1904	ამწე კალათის მუშაობა	მანქ/სთ	32		0,00		0,00	18,75	600,00
12	საბაზრო	დარბაზში რამოდენიმე ადგილზე, დაფერილი (ფერი დამკვეთთან შეთანხმებით) ალუმინის დეკორატიული ფისოსების (ქალაქები) მოწყობა. ფრთები პორიზონტალურად და ვერტიკალურად რეგულირებადი (კონდიციონერები, გაბრილებების მიღების დაბოლოებზე) (ხარჯის მოწყობით)	გ²	10,00	25	250,00	12,44	124,40	0,00	374,40
		ჯამი:				8 157,79		1 448,58	600,00	10 206,36
		ზედნადები ხარჯები (არაუმეტეს) 10%	10%							1 020,64
		ჯამი								11 227,00
		ბეჭდური მოგება (არაუმეტეს) 8%	8%							898,16
		ჯამი								12 125,16
		გაუთვალისწინებული ხარჯები	3%							363,75
		ჯამი								12 488,91
		დ.ღ.ბ.	18%							2 248,00
		მთლიანი ჯამი								14 736,92

თსსუ-ს კანცლერის
ზურაბ ორჯონიძე

შპს „მშვილდოსანი“-ს დირექტორი
პაატა გაფრინდაშვილი

